

INSTRUCCION PONTIFICIA SOBRE EL MINISTERIO CASTRENSE DE LOS RELIGIOSOS SACERDOTES

I. TEXTO DE LA INSTRUCCIÓN

Sacrorum administri e clero saeculari cum in omnibus fere nationibus pauci sint numero, Vicarii Castrenses ad sacra munia in Militum commodum exercenda saepe religiosos sodales oportet asciscant.

Quidem ergo Summi Pontificis Legati quaesierunt an Sacra haec Congregatio peculiaribus editis rationibus et normis hac de re constituisset.

Janvero in Instructione a Sacra Congregatione Consistoriali *de Vicariis Castrensibus*, die 23 mensis aprilis anno 1951 expedita (A. A. S., 43 [1951], p. 564), re per Augustum Pontificem antea probata, haec praescribuntur (XIII): "Optimi expertique ad officium Cappellani seligantur etiam Religiosi sacerdotes, *servatis tamen peculiaribus normis pro iisdem a S. Congregatione negotiis Religiosorum datis*, qui vero, si fieri potest, locis destinentur ubi ipsorum religionis domus habeatur."

Itaque Sacra Congregatio Religiosis Sodalibus praeposita, horum perfectionis pro officio suo studiosa ac diligens, cum etiam atque etiam coram Deo intente perpendisset gravia et haud rara pericula, quibus religiosi vel sodales a vita communi versantur, dum Cappellani militum munus, ceterum necessarium atque apostolicum, obeunt. hanc decrevit edere Instructionem, qua rationes traderentur ejusdem muneris tuto accipiendi et normae constituerentur id, cum accipiendum esset, sancte fructuoseque gerendi.

Art. I

Cappellani militum religiosi tempore pacis

Munus Cappellani militum tempore pacis, cum a sacerdote in propria manente domo religiosa atque integris communis vitae institutis exerceri quod sufficiat non potest, sed ex contrario postulat ut tota fere vita extra religiosam familiam militari quodam saecularique modo continenter ducatur, non est accipiendum nisi vera cogit necessitas, scilicet cum Cappellani e clero saeculari desiderantur.